

**Landesbibliothek Oldenburg**

**Digitalisierung von Drucken**

**Jahrbuch für das Oldenburger Münsterland**

**Vechta, Oldb, 1969-**

Heinrich Siefer: Sienen Weg gaohn

**urn:nbn:de:gbv:45:1-5285**

*Heinrich Siefer*

## Sienen Weg gaohn

Ik un du  
un wi un ji

Räöke  
Biller

luut  
un sachte

Wege - Straotens  
up un daol

prooten un lustern  
schnacken  
sik strieden  
muulen un targen  
un doch  
uk weer gaud we'n

sik schulen  
borgen un seker  
an 'e Hand  
Bodden un Grund  
fast staohn  
mitgaohn  
un dann  
doch  
eigen  
Wege gaohn  
weggaoohn  
trügge kaomen  
we'erkomen

un doch dor aaltied  
bloß naohtogaohn

dor  
wor an 't Enn'  
ik van neien  
weer  
ankaom

Franz Schwalm

## Teihn Blaumenpötte

„Ein Euro füfftig!“ Brämers Jan dreihde den Blaumenpott noch einmaol in ’ne Hand. Stabil was de witte Äöwerpott. Dat müssde man seggen, wenn man bi de Wahrheit blieven wull. Den kunn man nich einfach so tausaomen drücken, as faoken de billigen Kunststoffpötte.

„Un wenn ick de Pötte aale nähme?“ Jan keek up den Staapel, de kägen den Disch up ’pe Eern stünd. Dat Fraumensche achter den Stand bögede sick vöräöwer un füng an tau tellen. Jan’s Oogen füllen in den wiehen Utschnitt. Dann dö Jan dat Glieke un de beiden Lüe stött’den mit de Köpfe tausaomen.

„Dat sünd teihn Stück“, sä dat Mensche un drückede den Zigarettenstümmel mit ehre gälbrunen Finger in den randvullen Aschenbecher ut. „Jao, dat sünd teihn Stück. - Hebbe ick uck tellt.“

„Wat de aale kossen schäölt?“ Jan leet noch einmaol de Ogen äöwer den Hopen Pötte gliehen, tellde noch einmaol un sä dann: „Jao, wat de kossen schäölt, wenn ick de aale up einen Schlag nähme.“

Dat Fraumensche rullde de Unnerlippen un dachde nao. Man kunn an ehren Mund seihn, dat sei dat lüttke Einmaoleine up ’pe Tungen har un ant Räken was. „Teihn Euro.“ - „Vör aale?“ -

„Jao, vör aale!“

Jan güng ’n Träe trügge un wüdd dann van de Lüe weederschaoven.

Brämers Jan was süchtig nao olde Kräöchen. Dor kunn Finao, wat sien Mensche was, ein Lied van singen. Sietdem hei mit dreiunsesstig Johr in Rente gaohn was, was dat noch leiper wudden. Nu har hei Tiet un trück van einen Flohmarkt nao den annern. Of de in Ollnborg of annerswor was, Jan schmeet morgens all rechtertiet den olden Diesel taugange un brusede los.

Nu streek hei all siet zwei Stunnen up den längsten Flohmarkt in Dütschland rüme. De Plastiktutens, de hei immer mitnöhm, seeten